



KOMUNIKADO PA PRENSA

Fecha

21 ougùstùs 2013

Account Manager

Jhanirha Anita

Email

jhanirha.anita@gmail.com

Nr.

MINISTER BALBORDA TA INISIÁ PROYEKTO PA BIBIENDA NA SAPATE

Willemstad – Ayera, 20 ougùstùs 2013, Minister di Tráfiko, Transporte i Planifikashon Urbano Sr. Earl Balborda, huntu ku Building Depot a duna inisio na un proyekto di desaroyo di tereno pa bibienda na Sapate. E proyekto aki ta enserá trahamentu di 26 bibienda ku personanan, riba lista di espera pa un kas di Domeinbeheer, ta esnan promé den rei pa risibí.

Ta konosí ku na Kòrsou tin un demanda grandi pa traha kas i tereno di erfpagt pa traha kas. Minister Balborda den su afan pa konstruí kasnan pagabel pa pueblo, a sera laso ku Sektor Priva, den un sistema di PPP (Public Private Partnership). Esaki ta enserá ku Gobièrnu, den persona di Minister Balborda, huntu ku un partner priva ta desaroyá tereno i konstruí kas.

E partnernan pa e proyekto aki ta Building Depot i Ministerio di Tráfiko, Transporte i Planifikashon Urbano. Konhuntamente e partnernan aki, bou di guia di Minister Balborda i un tim kordinadó, ku ta konsistí di ekspertonan di Servisio pa Planifikashon Urbano (ROP), Servisio pa Obra Públiko (OW) i Domeinbeheer, ta forma un laso di trabou firme i serio pa desaroyo positivo di e proyekto aki.

E proyekto di desaroyo di e barío di Sapate aki, ta duna un bista kla di e modelo ku Gobièrnu lo kier sigui desaroyá. Tambe proyektonan di e magnitud aki ta duna trabou na e diferente trahadónan di e partnernan envolví i ta stimulá desaroyo di nos ekonomia. Ku e esfuersonan aki Minister Balborda ta kontribuí na adelanto di nos Pais.

Pueblo di Kòrsou por sigui tur último desaroyonan di Minister Balborda di Tráfiko, Transporte i Planifikashon Urbano via di su facebookpage ‘Earl W. Balborda, Minister VVRP’.